




Green Screen

Atuartitsinermit teknologiit – fagini
tamani



Green Screen sunaana?


Green Screen teknologi – imaluunniit Chroma Key – filminik tv-millu suliaqarnermi taaguutaavoq nalinginnaasoq. Immiussinermi inuttaasut sumut immiussiffiusinnaanngitsumut inissittuusaarnissaannut teknologii taanna atorneqarajuppoq. Taaguummut tassunga taarsiullugu ilaanni color-keying imaluunniit blue screen atorneqartarpoq.

Atuartitsinermi filmiortoqarniartillugu atortorissaarutinik digitaliusunik eqqortunik atuinikkut teknologii pissanganartunik periarfissiisarpoq.

Qorsummik tunuliaqutserluni immiussinikkut silarsuup suatungaani sumiluunniit ittuusaartoqarsinnaavoq, taamalu filmiorniikkut atuartitsineq piviusorpalaarnerullunilu atuartitsineq fagimut atuartunullu tunnganerulersarpoq.

Assit assigiinngitsunit marlunnit pisut kattunnerisigut Green Screenip sunniutaa pilersarpoq. Assit tunuleriissinneqartarput, aappaa saarliutinneqartarluni. Nalinginnaasumik asseq saarliusoq kisimi takuneqarsinnaasarpoq, taassuma asseq tunorleq assersimasarmagu. Asseq saarliusoq Green Screen teknologiili atorlugu akimut ersittunngortinneqartarpoq, taamaalillunilu asseq tunorliusoq takuneqarsinnaalersinneqartarpoq. Assimi saarliussami qalipaataalajangersimasoq atugassatut toqqarneqartarpoq – uani qorsuuvoq – tamatumalu kingornagut asseq tunorliusoq takuneqarsinnaalersinniarlugu qalipaataanna peerneqartarpoq.

Ima pisarpoq:



Green Screen by Do Ink

Uani appi Green Screen by Do Ink atorpeqassaaq. Appi taanna atorlugu suliaqarnermi Green Screen atorlugu filmiliorneq assiliinerlu ilinniartitsisunut atuartunullu ajornanngitsuunnguuvooq. Atuartitsinermi oqaluttuanik oqaluttuarnermi, isumassarsianik nassuiaanermi nutaaliorlunilu klassimi sugaluarnersut ataqatigiissillugit takutikkuminaatsut takutinniarnerni teknologii nutaanik periarfissaqalersitsivoq.




1. Appi ammaraanni suliat ingerlanneqareersut ammarnissaat imaluunniit qulaani talerpiup tungaani + toorlugu suliasamik nutaamik pilersitsinissaq periarfissaavoq. Suliassaq kissaatigisaq menuumi toqqarneqassaaq.
2. Green Screen atorlugu passussivimmuut videoliat assilisallu ikkunneqarsinnaapput, aamma videomik immiussisoqarsinnaavoq. Suliarlunaaq iPadip assilisaasivianut ikkunneqarsinnaavoq (eksportererneqarsinnaavoq).

Sullivik

Sullivimmiittut atuuffiit (funktionit) tunngaviusut teknikkimik suliaqarnermi ilisimassallugit pingaaruteqartut sisamaapput.

1. "Source selector" – tassani tunuliaqutaasussaq suliaqarfiusussaq sorliussanersoq toqqarneqartarpoq. Assilisaasinnaavoq iPadip assilisaasivianiittoq videoliaasinnaavorluunniit.
2. "Preview" – tassani asseq katitigaq qanoq isikkoqarnersoq takutinneqartarpoq.
3. "Timeline" – pisut tulleriinnerannik takussutissiami (timelinemi) immikkoortut assigiinngitsut ataatsimut isiginissaat periarfissaavoq. Filmiliat qimerloorniarukku allannngortitaqarniaruillu taanna atussavat.
4. "Toolbars" - suliavit appinnissaanut immiussinissannulluunniit tuugassat aamma filmilivut aqqissuunnissaanut atortorissaarutit, soorlu mask, chroma aamma crop tassaniipput.



Sulinerup ingerlarnga

Green Screen atorlugu filmiliornermi periaatsit assigiingitsut arlaqarput – matumani marluk ilisaritineqassapput:

Siulleq:

1. Tunuliaqutip qorsuusup saanut inissigitsi. iPadip assiliissutaa atorsiuk. Immiussassinni tunuliaqutaasup saaniititassarsi filmiliarisiuk. Taanna immiussaq passunneqassanngilaq iPadimullu toqqorneqassalluni.
2. Appi ammarsiuk, qulaanilu talerpiup tungaaniittoq krydsi toorlugu suliassamik nutaamik pilersitsigitsi.
3. Pisut tulleriinnerannik takussutissiami (timelinemi) plussi qiterliusoq tooruk "source selector"-ilu nuippat video toqqarlugu. Tunuliaqutip qorsuusup saani immiussimasarsi nanisiuk "use"-lu toorlugu.
4. Taava pisut tulleriinnerannik takussutissiami plussi alliusoq tuussavat. "source selector" nuippat "image" toqqarneqassaaq. Tassani asseq tunuliaqutaasusaaq toqqarneqassaaq. "use" tooruk.
5. Maanna assit marluk qaleriillutik passussivimmiilerput. Filmi appissinnaangorpat.
6. Assit sivilissusii imminnut naleqquttunngorlugit aqqinneqarsinnaapput. Aamma Chroma – nigalinnguaq qalipaatic "toolbar"-imiittoq – qalipaatic aqqissornissaannut atugassatut periarfissaavoq.

Aappaa:

1. Tunuliaqutip qorsuusup saanut inissigitsi. Appi ammarsiuk, qulaanilu talerpiup tungaaniittoq krydsi toorlugu suliassamik nutaamik pilersitsigitsi.
2. Pisut tulleriinnerannik takussutissiami (timelinemi) plussi alliusoq tuussavat. "source selector" nuippat "image" toqqarneqassaaq. Tassani asseq tunuliaqutaasusaaq toqqarneqassaaq. "use" tooruk.
3. Pisut tulleriinnerannik takussutissiami plussi qiterliusoq tooruk "source selector"-ilu nuippat assiliissut toqqarlugu.
4. iPadi tunuliaqutip qorsuusup tungaanut sammitillugu immiussinissamut tuugassaq aappalaartoq toorlugu immiussinerit aallartissavat.
5. Immiussat naammassippat takusinnaavat toqqorluguluunniit.
6. Immiussat iPadimut toqqussavat kingusinnerusukkut assit tunuleriissut sivilissusii imminnut naleqquttunngorsarlugit aqqinneqarsinnaangorlugit. Aamma Chroma – nigalinnguaq qalipaatic "toolbar"-imiittoq – qalipaatic aqqissornissaannut atorsinnaavat.



Pilersaarusioneq

- Atuartut fagimut tunngasumik suliaqarnerminni aallussinerminnik attasseqqullugit suliammut piareersarsimanissat pingaaruteqarpoq. Atuartut assinik filmilianilluunniit oqalullutik nassuiaasussaammata pilersaarusiortoqassaaq.
- Ilisaritsissut saqqummiussinermi tunngavigineqartussaq allassiuk – aamma sungiusassavarsi.
- Assilisaasivimmut toqqorneqartussanik kingornalu toqqarneqarsinnaasunik assileeqattaassaasi. Isiginnaagassiasi aalasumik tunuliaquteqassappat filmiliussaasi.
- Periutsit qulaani eqqartorneqartut atorlugit filmiliussaasi. Suliarineqartut tamarmik eqqorluartumik suliarineqarnissaat anguniarlugu arlalinnik suliaqarnissaq pisariaqartinneqarajuttarpoq.
- Filmiliarsi inerussiuk saqqummiutissavarsi.

Isumassarsiat

Filmiliornermi periarfissat Green Screenimut attuumassutillit amerlaqaat. Atuartitsineq eqqarsaatigalugu taassuminnga suliaqarnikkut fagit atassuteqaqatigiinnerulersillugillu pilersitsiortorfigineqarnerulersinnaapput.

Matematikkimi pinngortitalerinemilu ilisimasat Green Screen ikiortigalugu paasissutissat saqqummiunneqarsinnaapput. Assigiissitat (ligningit) qanoq kisinneqarsinnaanersut nassuiarneqarsinnaapput, fotosyntese qanoq pisarnersoq takutinneqarsinnaavoq imaluunniit tusagassiortutut Afrikamut angalasuusaarsinnaavutit.

Atuakkialerinerme tusagassioriaatsit assigiinngitsut tusagassiornermik isikkivillit suliarineqartarput. Aammattaaq inuttaasut pissuusii pillugit nassuiaariaatsinik atuisoqartarpoq imaluunniit isiginnaartitsissummut timilu atorlugit attaveqaqatigiinnermut immikkut ittumik maluginninniartoqartarluni.

Fagini nutaaliorfiusuni teknologii periarfissanik nutaanik siornatigut periarfissaasimangikkaluartunik periarfissiisarpoq. Pisunit assigiinngitsunit nalunaarusiortoqartoqarsinnaavoq, aamma katersugaasivinni takornariarnissamut ilitersuusiortoqarsinnaavoq. Immaqa atuartut qalipakkamut, qiperorlugu assilialiamut imaluunniit allat pilersitaannut toqqaannartumik suliasinneqassapput.

Oqaatsinik atuartitsinerni avatangiisit ulluinnarni najussallugit periarfissaanngitsut orninneqarnissaat Green Screen atorlugi periarfissaavoq. Nunamik oqaluttuassartaanillu paasiniaanermik imaqarpoq. Oqaluttuarisaanermi, silarsuarmi pisunit imaluunniit ulluinnarni klassimi pisartunit nalunaarusiortoqassaaq.